



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalias illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Henricus ex Comite Arensbergensi Religiosus & fundator Ecclesiae
Praemonstratensis in Wedinghusen

urn:nbn:de:hbz:466:1-28481

sis, quo alia Herisfensium reliquiae ever-
tumbis per totum pavementum templi disper-
sa fuerunt, nec sine confusione à perillustre
Virginum coetu iterum collectae. Claustra
mortalem vitam die 31ma Maji, sepultaq; est
Herisae, ubi ad ejus tumulum, frequentissime
quondam caeci visum, claudi gressum, infirmi
sanitatem, obsessi ab immundo spiritu libera-
tionem accepere.

B. HENRICUS

Comes Arnsbergensis,

Fundator Cœnobii Wedinghusani.

*Refertur cum titulo Beati à Ioanne le Paige in
Biblioth. Præmonstratensi pag. 514. lib. 2. Io-
anne Chrysost. van der Sterre in Natalibus Ss. Or-
dinis Præmonstrat. ad diem 14 Iulii, & Aegidii
Gelenio in fastis Agrippin. sacris & piis ad ean-
dem diem, ubi de eo ita scribit: In Wedinghau-
seni juxta Arensburgam cœnobio B. memo-
riae Henrici Comitiss Arnsbergensis, ejusdem
Ecclesiae Fundatoris &c. Certum est funda-
tionem hujus monasterii ab Henrico factam esse
seculo 12mo: sola difficultas & controversia in-
ter Auctores remanet de anno 1157. Ioannes le
Paige loc. cit. & Christoph. Pilckmannus apud Mi-
raum*

raum in Chronico Præmonstrat. pagina 122 scri-
bunt, hoc anno Wedinghusium ab Henrico condi-
tum. Gamansius apud Bolland. in actis Ss. to. I.
Ianuar. in notis post c. 7. vitæ B. Godefridi Capen-
bergensis pag. 851 putat, hoc anno habitum Præ-
monstratensem ab Henrico susceptum. Gelenius
l. 3. vitæ S. Engelberti pag. 249 censet, hoc anno
Henricum è vivis abiisse. Causam huic dissen-
sioni videtur præbuisse defectio Gebhardi Truch-
sesii quondam Colon. Archiepiscopi, cujus impro-
viso in Arensbergam impetu pleraque istius mo-
nasterii documenta veteresq; tabula disiecta ac
dissipata sunt. Nobis videtur vero similis, quòd
monasterium Wedinghusanum excitare cæperit
paulò post initia suscepti regiminis, id est, paulò post
annum 1144, quòd vitam Canonicam in eo pro-
fessus sit anno 1157, quòd denique beatâ morte vi-
tam coronavit anno, ut referunt Nicolaus Scha-
ten, & Turckius in hist. Ms. 1169.

ETiam ab indevoto patre vel avo subinde
nascitur devotus filius, ab Achazo impio-
pius Ezechias. Nemo in S. Norbertum &
ejus ordinē majores inimicitias aluit in West-
phalia, quàm Fridericus Arensbergicus, co-
gnomento bellicosus. Cælum, terram, to-
tūmq; Acheronta movebat, ut vel B. Gode-
fridi Capenbergensis religiosos animos in-

terverteret, vel S. Norbertum & ejus sectato-
res ab istius castri possessione deturbaret. E-
tamen vel invitus progeniem è suomet san-
guine talem post se reliquit, quæ non sua so-
lùm, sed se ipsam quoque spontanea oblatio-
ne huic ordini consecraret. Erat is Henricus
Comes, Friderici modò nominati ex filio
Conrado nepos, ab avi patrísq; turbulenta
indole longè remotissimus. Comitatus avi
regimen adibat circiter anno 1144, quo ipsi-
us pater à Bernardo primo Antistite Pader-
bornensi post longas finitimarum regionum
incurvationes prælio victus, vitam inter arma
& gladios posuit. Initium gubernationis suæ
ducebat ab incensa pietate ac timore Domi-
ni; cùmq; ex una parte subirent oculos in-
gentia illa commoda, quæ per idem tempus
ab Ecclesia Capenbergensi in regiones vici-
nas profluebant, ex altera in mentem recur-
sarent grandes illæ injuriæ, quas à suis proge-
nitoribus ordo Præmonstratensis acceperat,
cœpit animo circumspicere, quâ tandem ra-
tione offensas veteres expiare, & huic candi-
dissimo cœtui domicilium ponere in suo Co-
mitatu posset. Deligitur locus pro ejusmodi
fabrica opportunus, conscribuntur operæ,
fodiuntur fundamenta, erigitur educiturq;
intra

intra breve tempus florētissimum illud S. Laurentii monasterium, quod in ameno colle infra Arensbergam positum ad nostram usque memoriam doctrinæ & sanctitatis gloriā non parū fulsit. Exinde collectis ibidem viris religiosissimis singulari amicitia & affectu conjunctus fuit, tantōsq; ex eorum frequenti conversatione ac contubernio progressus fecit, ut paulatim delicias terrestris aulæ despiciatui duceret, nihilq; haberet desideratius, quā exemplo B. Godefridi, cui ob nuptias suæ amitæ secundo affinitatis gradu copulatus erat, mundum relinquere, seq; unus Dei famulatio in posterum devovere. Durabant hæc animi vota usque ad obitū lectissimæ conjugis suæ, quam alii cum [a] Miræo Ermengardem, alii veriùs cum [b] Gelenio Agnetem vocitant: hanc defunctā pro libertate obtinenda propediem convolabat ad servitutem Dei, reclinatāq; in filium Comitatus gubernandi curā vitam Canonicam in Ecclesia Wedinghusana complectebatur anno 1157. Vixit ibidem admirabili modestia, paupertate, devotione, humilitate & contemptu rerum omnium, tandēmq; meritorum dives

K 5

ad

[a] *Miræus in Chron. Premonstr. pag. 122.* [a]
Gelen. l. 3. vita S. Engelberti pag. 249.

ad immortalem in cælo coronam abiit die
8vâ Januarii, anno, ut ex Schateno & Ture
kio supra recensuimus, 1169.

[c] Joannes le Paige loc. cit.

B. HENRICUS

De Monte Martis, aliàs di-

ctus Henricus senior, ex Ordine Fra-
trum Prædicatorum.

Refertur cum titulo Beati à R. P. Friderico Steillio in Ephemer. Dominicano. Sacris ad diem 15 Iulii pag. 59 & Ægid. Gelen. in vita S. Engelberti pag. 109 in fine. Agunt de eodem Anton. Senensis, Thomas Cantipratanus, B. Humbertus de vit. Ef. l. 4. c. 13 & 26. Malvenda in Annal. Chron. Ord. in indice BB. Turckius in hist. Ms. & alii, ex quibus uti & Friderico Steillio hæc vita compilata est. Mons Martis, à quo Henrico huic cognomen fluxit, olim Eresburgum, nunc autem Stadbergum est, oppidum in finibus Ducatus Westphaliæ & circiter horis ab urbe Paderborna situm, & ab Irmenfule Saxonica fano olim celebre, uti fusiùs videre est apud Ferdinandum Fürstenbergium in Monumentis Paderbornensibus à pag. 103. Id cum Friderico Steillio fuerit incognitum, errore lapsus Montem Martis quæsiuit in Ducatu Mon-

tium,